

守志卷之二

野志

星野考

儀像圖考

太陽節氣附

大有九重里數地有周輪經緯至今日而測算精
密起重黎亥步無能爲役矣纂述家多以星野爲
言竊思古之時天下九州方三千里今幅員數萬
里古分周天三百六十五度有奇今改三百六十
度又有歲差保章昏星土之說率難強合自唐一行
本李淳風之說以終南太華爲地絡而以宏農分
陝謂南北兩河之會者近是

國朝改用西洋法測地體渾圓地底俱有國土山川
名目中國在赤道北故北極常出地以赤黃四極

赤道黃道俱有南北極對度求之無容臆說可坐而致也志

星野

星野考

清類分野云危十三度至奎一度陬訾之次也河南布政司所屬之衛輝彰德懷慶三府皆室壁分軫十度至氏一度壽星之次也河南之開封府角亢分懷

慶府之孟濟源溫三縣皆角亢分

載明史

按明史修於

國朝確可遵信懷郡之河內修武武陟爲室壁孟縣濟源溫縣爲角亢原武陽武新白開封分屬懷郡亦角亢分舊郡縣志或創於萬歷或修於康熙乾隆年間自當以此爲斷至引據前代史書未嘗確考八邑所隸以徵古今之異反執今之分野傳會強同訛誤甚矣爰載各舊志所引辯証於後

帝王世記云黃帝分星次自危十七度至奎四度曰
豕韋之次一名歟訾於辰在亥謂之大淵獻於律爲
太簇斗建在寅今衛分野

史記衛地營室東壁之分野今之東郡及魏郡之黎
陽河內之野王朝歌皆衛分野

按野王爲邾國朝歌殷
舊都爲衛康叔始封

漢書地理志魏地背觶參之分野其界盡河東河內
皆魏分衛地營室東壁之分野今之東郡魏郡及河
內之野王朝歌皆衛分

按此下云衛本國既爲狄所滅文公徙楚邱今之
濮陽是也本顯頊之墟後爲韓魏所侵獨存濮陽
秦滅濮陽置東郡徙之於野王始皇既并天下猶
獨置衛君二世時乃廢爲庶人最後絕故獨爲分

野然則衛地室壁非始封之衛 又云河內殷之舊都周既滅殷分其畿內爲三國以監殷民謂之三監又爲東周畿內地 毛詩譜王城者東周都在豫州北得河陽漸冀州之南朱子曰地則今懷孟州是始封之衛矣

後漢書自危十度至壁八度謂豕韋之次立春驚蟄居之衛之分野

魏太史令陳卓更言郡國所入宿度有柳七星張屬周三轉國曰河內入張九度是又以爲鶉火之次

晉天文志河內入張九度

隋地理志冀州古堯之地舜分州爲十二冀州析置幽并其於天文自昌七度至畢十一度爲大梁屬冀州自尾十度至南斗十一度爲析木屬幽州自危十

六度至奎四度爲媿訃屬并州自柳九度至張十六度爲鶻火屬三河則河內河東也

按史記天官書及漢晉天文志皆以室壁爲衛分并州然漢書郡國志以上黨太原上郡西河五原雲中定襄雁門朔方爲并州初不言河內而河內爲朔鵬參分野晉志以安定天水隴西酒泉張掖武都金城武威燉煌爲并州入室壁度以河南入七星度河東入張一度河內入張九度自唐一行僧山河兩界之說始云東壁營室當河內然則後漢爲隋參魏晉隋爲星張唐以後爲室壁何必強同一行之言曰近代諸儒言星土者或以州或以國猶據漢書地理志推之是守甘石遺術而不知變通之數也

舊唐書天文志營室東壁媿訃也初危十三度餘二

千九百二十六秒一太中營室十二度終奎一度自

王屋太行而東得河內至北紀之東隅北負漳鄴自

河濟之交涉滌波續濟水而東得東郡之地古邾鄆
衛凡邢雍共徵南燕之國自闕道王良至東壁在
豕韋爲上流當河內及漳鄴之南得山河之會爲離
官又循河濟而東接元枵爲營室之分

新唐書天文志十月陰氣進踰乾維始上達於天雲
漢至營室東壁間升氣悉究與內規相接故自南正
達於西正得雲漢升氣爲山河上流自北正達於東
正得雲漢降氣爲山河下流媿訾在雲漢升降中居
水行正位故其分野當中州河濟間且王良闕道由
紫垣絕漢抵營室上帝離宮也內接成周河內皆豕

韋分

唐地理志河北道蓋古幽冀二州之境孟懷澶衛及魏博相之南境爲媿警

周禮疏云營室東壁衛并州分野自閣道王良至東壁爲河濟之上流河內及鄴南得河山之會爲離宮又循河濟而東接元枵爲營室之分

按此本採用一行詔而誤沿衛分并州也

明一統志禹貢冀州覃懷之地天文室壁分野

明清類分野書澶懷衛相皆衛分也天文星指室壁

按懷慶之以壺壁分野自唐以來始有明據各舊志援史漢以貫之懷郡豈古之并州乎府志及河內修武武陟三縣志援引既非而溫孟二縣亦沿其說溫孟不主角亢而主室壁固誤濟源陽武原武雖主角亢亦引遷史兩漢爲証謂鄭之分野不知古稱壽星之次鄭分兖州於懷無涉漢書波溫

河陽屬河內郡蒲鶮分野原武屬武屬河南郡七星張分野晉則皆屬張度其以壽星角亢為分星亦始於唐凡舊所引皆泥古而鮮通府舊志星野序曰河內以成周之域而曰張以衛康叔之初封而曰壁以晉啟南陽而曰蒲參河內縣舊志序曰或以河內為魏地則謂蒲鶮分野以河內為衛地則謂室壁分野或以東西境兩屬之濟源志既遵用明史主角亢矣又繫之曰以為周地則柳七星張之分也以為魏地則蒲鶮參之分也以為衛地則營室東壁之分也似當從周地之說為長無定見而存臆見若此非直此也河南省通志亦以溫孟濟源為室壁其他廣輿地志或以懷慶屬實沈之次或鶉火之次往往多異皆各有沿習未之深究明婁樞河內星野魏分與衛分攷似有所見而未能細審其故今附載於後

明婁樞星野魏分與衛分攷

附錄

天文雖未之習而地理則有所據國之遷徙雖無常而星之分野則有定按周禮保章氏以星土辨

九州之輿地
分星以觀妖祥
班固地

地理志稱魏地背觥參之分野其界自高陵以東至河東河內是以河內爲背觥參之分野矣又曰爲地營室東壁之分野也東郡魏郡河內野王朝歌皆營分也是又以河內爲營室東壁之分野矣史記正義亦以河東河內爲魏地背觥參之分野河內之野王朝歌爲衛地營室東壁之分野兩分之分失正與漢書同朱子釋詩曰今懷衛澗相滑澗等州開封大明府界皆衛境也是以衛爲前所失之衛與後所都之衛交舉而互言之旣以河內屬晉衛之衛矣及釋孟子則曰河內河東皆魏地是以

河內爲趙魏之魏則目懿公失國之後河內析於
馮分於魏害之也吾嘗詳考河內之域屬衛與屬
魏之別河內本殷之舊邾周既滅殷分其畿內爲
三國詩國風邶鄘衛是也邶封武庚管叔尹鄘蔡
叔尹衛以監殷民謂之三監書序曰武王崩三監
叛周公誅之盡以其地封康叔遷邶鄘之民於洛
邑故三國之詩同風至十六世懿公爲狄所滅齊
桓代狄而更封衛於楚邱是爲文公子成公遷鄘
帝邱今之濮州也樂記謂桑間濮上之音是已襄
王十七年以河內地與晉賁達云晉有功賞之以
地陽樊溫原攢茅之田也彼河內屬衛天王安能

奪彼以與此則河內非衛明矣左傳謂晉始啟南陽蓋小修武之南陽非今唐鄧之南陽也魏本周同姓之國晉獻公滅之以封其大夫畢萬及三家分晉而河內更屬於魏魏惠王三十一年獻河西地於秦徙都大梁國仍稱魏而所都之地實非魏也且魏分晉地在刪詩之後詩有魏風有唐風有衛風唐卽晉也今山西平陽府是也衛則衛之東鄆浚邑漣淵之地是也魏爲河內無疑矣漢費直蔡邕魏陳卓唐李淳風僧一行星歷之說各有不同樞獨愛鄭漁仲之論曰漢魏諸儒言星土者或以州或以國辰次度數其歲星遷徙亦非天文之

正不可爲據又况魏徙大梁則河西合於東井秦
拔宜陽則上黨入於輿鬼吾故曰國之遷徙雖無
常而星之分野則有定是也唐一行之言十二次
也惟以雲漢始終言之雲漢江河之氣也認江河
脉絡於兩戒識斗羅升沉於四維分野所在如指
諸掌先儒亟稱之大一行以定星野於國不如定
星野於雲漢蓋以在地者有遷而在天者無遷也
樞獨以爲定星野於雲漢不如定星野於山嶽蓋
以在天者難步而在地者易步且無遷也近見河
南志以河內爲衛室壁分野山東志以濮州爲衛
室壁分野且河內南接河南不百里卽爲猜觴之

分野而東去濮博殆千里室壁分此又分彼是
其狹而長乎晉天文志亦謂河西四郡爲室壁分
野乃越岐雍遠分於六千里之外益不可曉史記
天官書營室壁爲并州分野昔舜因冀州太廣分
其西北爲并州卽今大同太原是也若如諸書所
討則山東河南山西陝西無地而非室壁之分野
所考滋多所惑滋甚據地志以觜觿參爲益州分
野星經曰益州魏地畢觜參之分河內上黨雲中
是也今按禹分九州有梁漢武帝改梁州爲益州
卽今之四川是也與河內相去萬里諸儒於地里
之易步者尚紛紛無定而况天文之難步者乎信

乎天道不可得而聞也吾故曰天文雖未之習而
地里則有可據者是也大抵河內之地所以分野
不定者古屬山西却在山東今屬河南却在河北
古者列國因地之俗以獻詩吾今因詩之俗以占
地因地以定星之分野可乎張子曰衛國地濱大
河其地土薄故其人氣輕浮其地卑下故其人質
柔弱今衛輝曹濮陳畱浚儀澶淵之風俗人物酷
似之河內之地土不薄地不下人不輕浮柔弱決
非衛地也地非衛地則星非室壁之分野也明矣
魏風諸篇葛屨汾沮洳言地狹隘民儉嗇而褊急
也河內之野人似之代檀園有桃性狷介心多慮

思也河內之君子似之後雖有善詩者形容河內之風不能有加於此當作魏地無疑矣地爲魏地則星爲觜觿參之分野也又奚疑

按歷代星野本不相同細考諸史可見諸家之弊由不能考古以証今之異而但執古以強今之同婁氏知衛分并州之非河內是矣因謂今非室壁欲據漢書魏地觜觿參爲今之分野又引魏風以山西爲河內所謂齊亦未爲得也

以下補增

天市垣東第十一星爲魏

宋史天文志曰天垣星在房心東北下照二十二處

其東西各列十一星東垣曰宋曰南海曰燕曰東海

曰徐曰吳越曰齊曰中山曰九河曰趙曰魏西垣曰

韓曰楚曰梁曰巴曰蜀曰秦曰周曰鄭曰晉曰河間
曰河中

女分十二國星韓北一星爲魏

宋史天文志曰牛女下有十二諸侯之星韓星北一
星曰魏

鄭樵曰十二國分野隨其所隸其星有變各以其國
當之

按十二諸侯舊十六星周秦趙代
各二餘各一今皆一星共十二星

周禮保章氏疏云星主之星指北斗而言也北斗以
七星主九州

史記天官書北斗夜半建者衝衝殷中州河濟間

五星

春秋緯文耀鉤云太行以東至碣石王屋砥柱冀州

屬樞星

樞第一星

劉昭注後漢書引星經云北斗九星第一主徐二主

益三主冀四主荆五主兗六主揚七主豫八主幽九

主并

幾第一三星

隋志曰一秦二楚三梁四吳五趙六燕七齊

此無魏或以冀

合於趙則第五衡星

按以上互異隋丹元子步天歌曰北斗之宿七星明第一主帝爲樞星今河南各志多妄改帝字爲

冀以傳會其說

史記以五星分野辰星主恒山冀州幽州并州

論語摘輔象以九州繫於三台曰冀州屬錯錯謂中
台之下下台之上

新增儀象圖考

彰德衛輝懷慶雖同是室壁而三府各有屬邑邑各
有不主室壁者舊志星圖書懷慶於室圖下彰德於
壁圖下衛輝於二府之中省志又繪彰德府城於室
圖下懷慶府城於壁圖下衛輝府城於二城之中俱
不免參差又星圖照古圖不按部位今悉依黃赤經
緯繪之畧得真形

圖見
卷首

丹元子室星歌曰室兩星上有離宮出遶室三雙有
六星下頭六箇雷電形壘壁陣次十二星十二兩頭

大似井陣下分布羽林軍四十五卒三爲羣軍西西
下多難論于細歷歷看區分三粒黃金名鉄鉞一顆
真珠北落門門東八魁九箇子門西一宿天綱是電
傍兩黑土公吏騰蛇室上二十二

按天魁九星今無羽林軍四十五星今二十三星
土公吏二星今一星騰蛇二十二星今十五星

壁星歌曰壁兩星下頭是霹靂霹靂五星橫着行雲
雨之次曰四方壁上天廡十圓黃鐵鑽五星羽林傍
土公兩黑壁下藏

按天廡十
星今三星

角星歌曰角兩星南北正直着中有平道上天田總
是黑星兩相連別有一烏名進賢平道右畔獨淵然

最上三星周鼎形角下天門左平星雙雙橫於庫樓
上庫樓十星屈曲明樓中五柱十五星三三相似如
鼎形其中四星別名衡南門樓外兩星橫

按庫樓十星今九星柱十五星今十四星南門二
星在

京師地平下故儀象志不入圖河南
較直隸北極出地少五度能見之

亢星歌曰亢四星恰是彎弓狀大角一星直上明折
威七子亢下橫大角左右攝提星三三相似如鼎形
折威下左頓頑星兩箇斜安黃色精頑下二星號陽
門色若頓頑直下存

按折威十

星今無

新增太陽過宮出入晝夜時刻

日中宵中日永日短各以日之出入爲昏旦中分爲
子午故二分之一日各省同爲出卯正入酉正晝夜刻
分均等春分後晝加於四十八刻至夏至長極復漸
短至秋分均等秋分後晝不及四十八刻至冬至短
極復漸長至春分均等此各省分數不同以北極高
度而異懷郡屬河南北極出地三十五度太陽出入
晝夜時刻以過宮之日推算列之亦天道之不可闕
者也

冬至

出辰初刻十一分
入申正三刻四分

晝三十八刻八分
夜五十七刻七分

大寒小雪

出卯正三刻十三分
入酉初初刻二分

晝四十四刻四分
夜五十五刻十一分

雨水霜降

出卯正二刻三分
入酉初一刻十二分

晝四十三刻九分
夜五十二刻六分

春分秋分

出卯正初刻
入酉正初刻

晝四十八刻
夜四十八刻

穀雨處暑

出卯初一刻十二分
入酉正二刻三分

晝五十二刻六分
夜四十三刻九分

小滿大暑

出卯初初刻二分
入酉正三刻十三分

晝五十五刻十一分
夜四十四刻四分

夏至

出寅正三刻四分
入戌初初刻十一分

晝五十七刻七分
夜三十八刻八分

新增節氣時刻

附

節氣各省有不同之數時憲所載乃

都城順天府節氣省分之差嘗有夜子與子正節氣遂

不同日者由順天府推測各省節氣得河南每節氣

遲早真刻度亦知天之事也

二十四節氣每節氣早於順天府八分早於盛京二

刻七分早於江蘇一刻二分早於安徽十一分早於

江西六分早於福建一刻五分早於山東十一分早
於浙江一刻八分遲於湖北一分遲於湖南七分遲
於廣東六分遲於廣西一刻二分遲於山西八分遲
於陝西一刻七分遲於四川二刻十一分遲於甘肅
二刻十二分遲於貴州二刻一分遲於雲南三刻一
分

懷慶府志卷之三

輿地志

疆域

形勝

山川

風俗

古蹟

陵墓

郡縣有志志地也禹貢九州先區疆域周官形方
氏掌制邦國之地域而正其封疆故疆域爲首犬
牙相錯襟帶抱負夷險之形寓制防之道故形勝
次之形勝莫大乎山川故山川次之民性係水土
之風氣謂之風隨君上之情欲謂之俗比類相從
如於班氏若夫標奇巖谷衍脉井泉高臺已墟玉
甌遂出循陳迹以覈舊封方位之所在猶夫由鹿
致鹿之義也舊志標題時景文人積習著述之家
無取焉志輿地

疆域

懷慶府

東二百六十九里至衛輝府封邱縣界

西二百四十五里至山西絳州垣曲縣界

南四十五里至河南府鞏縣界

北六十里至山西澤州府鳳臺縣界

東南一百五十里至開封府滎澤縣界

西南九十里至河南府洛陽縣界

東北一百五十里至山西澤州府陵川縣界

西北六十五里至山西澤州府陽城縣界

東西廣五百里南北袤一百三十五里東南至省二

百里東北至

京師一千六百五十里

河內縣 附府東至武陟縣界五十里西至濟源縣界三十五里南至溫縣界二十五里北至山西澤州府鳳臺縣界五十五里

濟源縣 在府治西七十里東至河內縣界三十五里西至山西垣曲縣界一百七十五里南至孟津縣界五十五里北至山西陽城縣界三十五里

修武縣 在府治東北一百二十里東至衛輝府獲

嘉縣界二十里西至河內縣界六十里南至武陟縣界二十里北至山西陵川縣界九十里

武陟縣 在府治東一百里東至獲嘉縣界四十五

里西至河內縣界四十五里南至河陰縣界二十里

北至修武縣界十里

按河陰今爲鄉隸
滎澤當至滎澤界

溫縣 在府治東南五十里東至武陟縣界十五里

西至孟縣界四十里南濱大河至鞏縣界十三里北

至河內縣界十五里

孟縣 在府治南六十里東至溫縣界二十里西至

濟源縣界二十五里南至河南府孟津縣界一十一

里北至河內縣界二十里

原武縣 在府治東一百八十里東至陽武縣界二

十里西至滎澤縣界十八里南至鄭州界二十里北

至衛輝府新鄉縣界三十五里

陽武縣 在府治東二百二十里東至衛輝府封邱縣界四十五里西至原武縣界二十里南至開封府中牟縣界三十里北至新鄉縣界三十里

形勝

懷慶府 附 河內縣

太行北峙沁水東流近帶黃河遠挹伊洛舟車郡會號稱陸海 通志

太行雄峙於後丹沁交流其中土曠民殷號稱小江

南郡 志

涑水出乎其西淇水出乎其東 書傳 涑 字疑誤

帶河爲固北連上黨南迫洛陽

漢書寇恂傳

表裏山河土曠民殷

魏志常林傳

北連上黨南接武牢

北史李洪之傳

河內名邦覃懷巨郡南蕃鳳闕北控羊腸

李義山集

北鄰於澤南至於溫

元志

沁水中流地勢平曠

一統志

山川延袤雄跨衛孟

舊圖經

濟源縣

王屋跨底柱之雄濟水滙盟津之派

通志

濟沁襟流疎導沃東南之利天壇聳秀崇巖鎮西

之雄

縣志

修武縣

北臨温峪西抱天門

通志

地界西北往來之衝

劉儼新城記

武陟縣

南濱大河西壓上黨

宋史地理志

枕行襟沁接寧控懷扼豫北咽喉踞陟州肩背

傅崇中寧

郭鎮城記

行山峙其北河流帶其南

通志

背負太行面揖黃河右據河內左聯蘇門沁水中流

廣武南峙地勢平廣覃懷之望邑也

前明邑志

廣武面峙於前太行屏倚於後黃沁交流關梁相望

舊志

滏縣

東帶沁河西連沈水南據虎牢北倚太行

通志

左邢邱右沈水南濱大河面虎牢之險北接野王負

太行之雄

縣志

孟縣

紫金接太行之麓沈水發王屋之源

通志

南帶黃流之阻西接太行之麓

縣志

原武縣

黑羊盤礴黃河漚流

通志

陽武縣

黃河縈流鴻溝控阻

通志

山川

懷慶府 附 河內縣

太行山 在府城北二十里

按水經注作五行山列子作太形山又名泰峒西自濟源東北接河內修武輝縣林縣至磁州綿亘數千里其間峯谷巖洞景物萬狀各因地立名實皆太行也爲中州巨鎮禹貢底柱析城至于王屋太行恒山至於碣石導山先以王屋繼卽太行是太行之首當在濟源金仁山曰太行爲河北脊

紫金壇 在府城西北五十里突高千仞羣峯拱向

上多白松每歲重九日邑人登高於此

按舊志以李義山家在壇山者非檀山自在滎陽義山祭寄寄文可証也

貝澗山 在府城西北四十里

按水經注作倍澗兩山夾澗高可插天奇峯林立長十里許幻化萬狀應接不暇澗水潑折至山口

而狀邑人名
曰倍欄口

明月山 在府城東北四十里

按此山中有古刹自山坳層構而上最後曰憑虛閣高峻舒豁俯視其下田塍皆如圃畦烟火相屬縹緲不絕寺週迴古栢參天不可計數遊人多題壁者乾隆十五年庚午秋九月

聖駕巡幸

駐蹕寶光寺

賜有匾聯見

寺觀

臨川山 在府城西北四十里山塢爲寺前後二池

曰臨川泉

栲栳山 在府城北五十里遠望如栲栳然四面陡

絕丹水蜿蜒遶其下俯視羣峯似兒孫羅列土人祀

真武於其上每上巳日士女駢臻

水峪山 在府城北二十五里泉流石磴間夜靜微
聞琴瑟聲取以煮茗與雪水無別兩山葱蒼淹潤可
嘉構寺泉崖爲習靜者所憩

金傘山 在府城東北五十里奇巖峭壁翠嶽可愛
有仙人劉自然菴址

懸谷山 在府城西北四十里亦名元谷俗名眞谷
谿谷邃折危崖垂覆山腰靈泉迸出竹木陰森多唐
宋遺跡

沐澗山 在府城西北四十里四圍飛泉可沐女貞
桐梧遍覆崖谷間每新雨初霽異鳥歌鳴使人有遺
世之想相傳晉魏夫人修真於此後於南 飛昇唐

宋名人多遊覽者

蛟脊龕 在沐澗西南如蛟龍脊背龕前有石刻蛟脊龕三字尙存年代失考

方山 在府城北四十里四面峯巒突兀丹水遶其北土田平曠頗爲腴美

馬頭山 在府城西北三十里上有石柱鐵環俗傳洪水懷山時民嘗繫舟於此

碗子城山 在府城北五十里山勢險峻其形如碗上有古城

栢山 在府城北六十二里

十二廻山 在府城北六十里山麓旋遶凡十二廻

故者

九峯山 在府城東北三十里面臨丹水

青山 在府城東北六十里倚太行之側林木青翠

甘泉山 在府城北二十五里泉甘木茂

陽落山 在府城西北五十里內多仙跡

雲巖山 在府城東北五十里山谷深邃雲氣氤氳

孤山 在府城北五十里山勢特立

三尖山 在府城西北四十里三峯聳列故名

按金史正大九年諸軍敗績於三峯山
元兵與白坡兵合則三尖乃俗名耳

龍門山 在府城北三十里

紅嶺山 藥仙山 俱在府城西北

太衙陘 在府城西北三十里一名丹陘

按說文連山中斷曰陘太行首始河內北至幽州中有八陘此其一也土人名小口爲入晉徑道

沁水 在府城北二里源流詳濟源

堯池泉 在府城西北三十里

按此泉土名堯河源出太行山麓握掌村泉畔有堯廟廟前處處有泉掬手而飲灌而東南流灌稻田可十餘里徑衛村西濼於滹合流至龍泉村大於沁考水經注沁水逕小沁城東右合小沁水出北山山臺滹澗南流爲臺滹水南東入沁今泉在覆背村東堯池水於右出焉恰與注合是堯池卽小沁水又名臺滹水也

丹水 在府城北方山入階

按山海經云沁水之東有林焉名曰丹林丹水出焉水經注云丹水經二石入北而各在一山角竒相望南爲河內北爲上黨沈志云相傳方山下水曲竹木交蔭卽丹林以當沁水東也則經之言出

謂山非
源出於此

邢水 在府城西北三十里

按水經注云邢水出太行之阜南流逕邢城西又東有逕孔子廟東又逕邢亭百南流入沁京相璠曰野王西北三十里有邢城邢臺是也今邢水源出邢泉村距郡城西北二十里土人又呼葦園泉在邢臺鎮東南南流十餘里倍澗寺東入沁河其流甚微傍泉栽蓮風翻馥郁堪稱香國然在邢城東與注小異孔子廟故趾在今七里橋邢水實逕於東邢亭雖不可考而倍澗寺恰當邢水西南出口處疑卽古邢亭歟

懸谷泉 在府城西懸谷山龕下逶迤豁谷間作鐘

磬環珮之音泉畔種竹扶疎可愛

水峪泉 在府城北水峪寺前甘而潔可以煮茶

課蜜泉 在府城東朏明月山寺後亦甘

神井泉在府城東北西陸村明月山寺內連環二井
相去七尺許舊志作靈井

天鷲池 在城東北濟渠水滙處前有潮音寺境宇
清曠閭閻中一幽勝地也

貝澗泉 在府城西北貝澗山

按水經注沁水又東倍澗水注之北出五行之山
南流今倍澗口南出逕西向俗呼石子河南流數
里至衛村右
與堯池水合

沐澗泉 在府城西北沐澗寺西飛泉細流滙爲一
池瑩碧可沐

隴川泉 在府城西北隴川山山龕爲寺寺前後有
二泉清瑩可愛

柳樹溝 在府城北六十里

按此溝在明月山後
爲入晉路安府隘口

朱溝 奉溝 沙溝 界溝 長明溝 光溝

蔡溝 白馬溝 廣濟河 利人河 豐穩河

安阜渠 千倉渠 順利渠 以上俱詳河渠志

按朱溝奉溝沙溝皆沁水枝津光溝界溝長
明溝白馬溝蔡溝皆丹水枝津見水經注

濟源縣

王屋山 在縣西一百二十里山形如王者車故名
絕頂有壇爲軒轅祈天之所曰天壇

天壇山 在王屋山北山峯突兀東爲日精峯西爲
月華峯北爲五斗峯其下濟水之源太乙池在焉壇

邊有御愛松爲軒轅時物又古松數十株順治初三
清諸殿燬於火濟人重修盡伐松以爲殿棟梁

王母洞 在五斗峯前

按洞淵集云周廻一萬里清虛小有之天三十六
洞天中第一洞天杜詩萬古仇池穴潛通小有天
此卽

王屋漢洞 王屋唐洞 俱在王母洞後二洞緣磴
上下若層樓皆廣數間戶牖開朗中列石牀如天成
雖盛暑入之涼風颯然爲古棲真之所

按洞後有石梁懸空約長十餘步狹
可數尺僅通人行由此達八仙嶺

太行山 在縣北二十五里詳見前

華蓋峯 在天壇前陽臺宮後宋徽宗遊幸之所

砥柱峯 在天壇東

析城山 在縣西北九十里西高中曰如城上有湯廟人呼聖王坪禹貢底柱析城是也

孤山 在金爐山前一作秀山

小析山 在天壇西北去縣百二十里析城之前上有湯廟歲大旱則禱雨於此

按一統志云在縣東北二十里疑誤

玉陽山 在縣西三十里東西對峙唐睿宗第九女昌隆公主修道於此改封玉真公主元宗署其門曰靈都觀

平陽洞 在西玉陽山靈都官後元宗署曰平陽洞

府小有仙臺有蔡瑋碑文事詳仙釋

金爐山 在縣西北五十里俗呼小北頂明嘉靖末

建廟其上田真人登仙處

禪堂山 在金爐頂後洞壑深邃峯高障日

佛山 在縣西南三十里泥溝西

聖佛山 在縣西一百七十里

君山 在縣北三十里俗呼竈君塚山後為雲洞山

孔山 在縣東北二十五里

按水經注云山上石穴洞開穴內石上有車轍牛跡者舊傳云自然成者非人功所就也又白樂天

詩云孔山刀劍立沁水龍蛇走

武山 在縣西北十二里北接猴嶺山其東麓有巨

石若卧牛然山有九仙聖母廟

按隋地里志云

母山疑卽此

共山 在縣北十二里燕山瀕水出焉

方山 在縣西南四十里有白龍潭禱雨卽應

陵山 一云靈山在縣西十里

巉山 在縣西南二十五里

金山 在縣西南十五里山勢延袤南至黃河東至

孟縣蓋秦嶺之麓也

琮山 在縣西北十里四平口滌水出焉其東爲功

德巖

硯山 在縣東北二十五里

鐵山 在天壇西

麻籠山 在縣西一百三十里天壇北

藥櫃山 在縣西一百五十里天壇西山多藥草故

名

糝盆山 在天壇西

花朵山 在白澗口西中有坪廣可數畝四山環抱

一水曲流春莢秋蘭幽芬絕人

始嫂山 在武山後兩山相峙澗水中流山西有水

名潔濟河

五指山 在縣西五十里五峯列峙如指澗水出焉

西釜山 在縣西二十里周廻高峻中則深坦其形

如釜

白洞山 在縣東北二十里山有懸瀑如練下注沁

水

金匱山 在懸泉寺東

玉峯山 在懸泉寺西

鳳頂山 在縣西北五十里

熊山 在縣東北三十里盤谷後三面距沁水西一

峯突出

牛心山 在縣西二十五里五指河口前狀如辰星

猴嶺山 在縣西北五十里

按一統志云以其上有狙猿麓故名俗呼侯景山
云北齊神武圍玉壁別命侯景趨齊子領屯兵於

此

羊絡山 沁河北諸山皆是

胡義山 在縣西一百四十里

駱駝山 在縣東北十五里

莽山 在縣西白澗口西北

秦嶺 在縣西五十里

按嶺與王屋並雄爲河北之望一名齊子嶺高歡
宇文泰爭戰之界故齊秦嶺兩呼之周伐齊遺碑
明守此其
戍壘猶存

大羅嶺 在天壇後羅繞如城

八仙嶺 在縣西九十里天壇山東

八柱嶺 在縣西九十里陽臺官南

九芝嶺 在陽臺官前

韓王嶺 在縣西北四十里與陽城縣分界處

狐嶺 在縣西三十五里一名虎嶺

獅子嶺 在縣東北二十五里盤谷東南

駱駝嶺 在縣東北二十五里盤谷南

蒼龍嶺 在共山西又天壇一天門外亦曰蒼龍嶺

金莎嶺 在縣東南二十五里一統志云上有圓亭

分無

箭括嶺 在沁口

護駕嶺 在縣西南二十里

張金嶺 在縣東南二十五里

夫子巖 在縣西巖刻夫子暨十哲像額題蘭堂花

水四字

古河巖 在盤谷東燕川里沁河之西其巖陡險俗

呼虎河巖

功德巖 在盤谷西

枋巖 在縣東北二十里俯臨沁水卽五龍口分水處

瀑布巖 一在靈都官北下有鳴鐘泓一在喜兒溝

香巖寺東東西山勢對峙如城闕名曰龍窩一在東

白澗山下懸泉寺北一在邵原西北巖高數丈

尚書谷 在玉陽山下

盤谷 在縣北二十里

按此卽李愿隱處乾隆三十四年御製詩文鐫刻盤谷寺中敬錄卷首

天井谷 在盤谷西北

按石上有數坎其深若井水自上溢相接而落遠視之若倚劍然韓昌黎詩云是時新晴天井隘誰把長劍倚太行

蟠桃坡 在紫微官前

小有坡 在王母洞南里許

高棚坡 在縣西一百二十里卽邵原山

十八盤坡 在縣西一百五十里形勢險峻

高榭坡 在縣西百里

仙姑頂 在玉陽東西兩山間尖峯獨出

桃花洞 在沁水北

仙猫洞 在天壇上

藏花洞 在陽臺官前下出泉水四時異色相傳昔人汲水見其中蓮花出焉

千佛洞 在縣西蒲張里其洞高廣深遠內有繪畫佛像千餘

黃河 在縣南四十里

按自山西垣曲縣經濟源縣南隄始入懷慶界又東徑孟津縣北河之北岸爲孟縣南境又東徑鞏縣北洛水入焉河之北岸爲溫縣境濟水入焉又東徑汜水縣北又東徑滎陽縣北河之北岸爲陟縣南境又東徑河陰縣及滎澤縣北河之北岸亦武陟東南境又東南徑鄭州及中牟縣東北河之北岸爲原武陽武兩縣西南境

濟瀆 在縣北三里原村

按此卽古原城也水經注云水有二源東源出原城東北南流與西源合西源出原城西東沆水注之水出西南東北流注於濟濟水又東經原城南東合北水亂流東南分注爲二水一水東南流卽沆水也濟水又東南而出於温矣其一水枝津南流注於溟云云然考沆水伏流九十里見於東西二源始名曰沆伏見異名非二水也酈氏於西源之東也註曰沆水注之其註沆水也曰水出西南東北流注於濟今二源千古不改西源水獨流至於東止與東源水合別無東北流之水出於西源之西南是直以西源爲濟東源爲沆與所引孔氏註泉原爲沆疏去爲濟迥異夫禹貢不曰東流至濟而曰爲濟明乎沆卽沆也故孔氏註如此又原城南卽今之廟南所謂北水意卽萬全水然水自北而東南與東源漚不能與西源漚西源又別無北水來合豈古今異派所見不同抑昔日傳聞異耶

沁河 在縣西北

按河自山西沁源縣發源蜿蜒萬山間乘高瀉湏
暴漲不常由山西陽城縣界入濟源境之大坡建
領而下徑東五十里沙溝村入河內縣界水經注
所謂出山過沁水縣北又東過野王縣北也東南
流徑龍泉村堯池水入焉又東徑府城西北貝澗
村預水從之又東徑沁陽村楊花村北金村之西
丹河西岸諸堰水自北入焉又東徑城東北北金
村之東丹河水自西迤南瀝入焉水經注所謂沁
水又東來溝枝津人焉又東與丹水合也又東徑
靈官廟蔣村陳村東界溝村丹河東岸諸堰水自
北入焉又東徑古澗村廣濟渠水入焉又東徑龍
澗村南尚香鎮西濟河水從之又北東至西張計
村交武陟縣界經流河內境七十里又東徑武陟
西南之東張計村又東南徑木樂店東至南賈村
達於黃河經流武陟境七
十里郡境通計百九十里

泃水 出縣西俗呼白澗水

按通鑑綱目注其源有三今一出姑嫂山南紅嶺
逕澗北村西武山南一出五指山紙坊會靈都宮
麻姑河二水而東一出秦嶺山下逕曲陽故城西
南與至宮齋村西北地名三河口一匯為一川逕縣

侯於溟梁晉成王穎擊敗趙王倫於溟水卽此
漉水 任縣西四里

按水源出山西陽城縣莽山其水或斷或續至雙
全寨始盛至濟源出琮山口穿石暗流至勳掌村
東乾沒溝渠中又東至縣西石露頭東水始洶湧
逕縣西城下蜈蚣泉之西遶流城北又東南流入
於溟水經注云出原山勳掌谷綱目注
云出琮山卽此古謂之溟今謂之漉

同水 在金莎嶺北崖下逕張金村東

按此水一在孟縣出金莎嶺南璩家溝俱東北流
至林泉村合又東逕冶城白騎塢今呼冶塢白塢
又東流注於溟水經
注云出南源下卽此

溱水 源出王屋西山發溪

按此水東逕避秦溝南今呼澗河西南逕大峪偏
看二村又南流入於河水經注云河水西會溱水
漢光武遣王梁守溱
卽此別作淇水誤

湛水 舊志無考

按水經注云出軹縣南湛溪南徑向城東而南注又東南逕湛城東又東南逕鄧南流注於河故河濟有鄧津之名

漫流水 舊志無考

按水經注云出軹關南東北流又北注於漫謂之漫流口今一出花石偏崖溝逕南姚村中一出留養村西南逕馬柵村北俱東北流注於溟水未詳孰是

塗溝水 在縣南

按水經注云出軹縣西南山下北流東轉入軹縣故城中又屈而北流出軹郭又軹城西北留村之南平地一源東北流會塗溝水正東注於溟舊志云卽今之漳水

太乙池 在縣西一百二十里出天壇西崖下

按禹貢曰導沅水東流爲濟山海經曰玉屋之山聯水出焉郭璞曰聯沅聲相近卽沅水也至扶山

南復出城東路今廢
城東北有東邱城

煉丹池 在縣西天壇山頂相傳老子煉丹於此

仰天池 在縣西王屋里四面突起中凹

白龍池 在縣西南承留里歲旱禱雨卽應

白虎池 在濟濱西池之南水極清瑩可鑑毛髮左

有青龍亭

石根潭 在縣西上有石山下有水潭南流入河

龍潭 在縣西五里

天漿溪 舊志無考

按水經注云出軹南翠向城北在翠上其水有二
源各出一溪東北流合爲一川又考軹南有四澗
水一出紅土溝一出怪潭俱東北流逕鍾公壘東
南五里許有天漿村南有謝封溝水北流至綺里

村東巨無霸墓遂無通志云在縣東南二十里源發軹城東流合泺水一名郭造河

望仙溪 在縣西八十里源出王屋山之北其水伏

流南入於河

馬頭溪 在縣東北八里馬頭村西有千功堰六十

餘泉俱入此溪

錦溪 源出金莎嶺之東舊有園亭

竇家溪 見古蹟

西陽澗 在縣西百餘里源出王屋山西北南逕下

馬村入於河

東陽澗 在花園溝西北與鐵山河異泉而下流

官莊相合西南逕逢石又南入於河

太峪澗 在縣西北十里源發玉屋山南入於河

玉川泉 在縣東莽水北岸盧仝嘗取水烹茶亦名
盧仝井

珍珠泉 在濟池東北泉水湧如貫珠

五色泉 在縣北寶家溪南唐溫造別墅在焉相傳
有異人濯五色綺於此水成五色

鑑泉 在鐵岸寶家溪南俗呼琵琶泉

拔劍泉 在濟瀆池東北世傳仙人王喬拔劍於此
泉湧出

葫蘆泉 在濟池西

蜈蚣泉 在西城根罽上

按舊志云每辨水泛漲勢若吞城賴此泉鎮之蛇畏螭蛆故名其說近于附會

蒙泉 在枋口內

甘泉 在大峪

鳳跑泉 在碑子村唐寧王避暑有鳥數百集此泉

水湧出

龍泉 在縣西邵原里有龍王廟遇旱居人於此

祈雨

麻姑泉 在縣都宮東

金蓮泉 在縣都宮北

不老泉 在洗參井北

天壇靈泉 在十方院側

勅封靈佑襄濟黃大玉所創玉於天啟五年遊玉屋

是院艱於水玉至眾求之王

以手指地鑿之佳泉湧出

平泉 在堰頭

雙泉 在縣西南二泉並出故名

月泉 在縣北東流合濟水

一色泉 在縣東北有金沙湧出

瀑布泉 見瀑布巖

避秦溝 在縣西八十里王屋山東南舊傳爲四皓

避秦之所一名遠塵溝

七谷溝 在縣西一百三十里七山之水皆合於此

花園溝 在縣西百里

竹園溝 一在原山鄭家坪一在南山漿里

藥園溝 在縣西一百五十里昔有羽士種藥於此

鼉錯灘 在芮村東南漢景帝時錯從學於軹人張

恢家寓此

柳灘 馬住灘 一灘俱出黃河中民居其上

枋口 在縣東北三十里兩山之間沁水經焉舊以

枋木為門故名晉司馬孚壘石為之又名沁口

馬渚 在坡頭西

按魏爾朱榮奉孝莊南討元顥至馬渚將軍楊樹具船以濟王師

鐵岸 在縣北二里濟水北岸平地溫泉中石峯陡

出體質鏗鏘周圍丈許根深莫測

有鐵山亭皆因鐵岸名

修武縣

太行山 在縣北五十里詳見前

天門山 在縣北四十里諸山惟此最高兩山相峙

其狀如門

按水經注云焦泉發於天門之左天井固石天門山石自空狀若門焉廣三丈高兩匹深丈餘更無所出世謂之天門也東五百餘步有石穴西向裁得容人平行東南入徑至天井直上三四有餘板躡而上至上平東西二百步南北七百步四面險絕無由升陟矣上有比丘禪僧訓精舍左右雜樹疎挺有一石泉方丈餘清水湛然常無增減山居者資以給飲北有石室二間舊是隱者念一之所今無人矣此可爲天門之証今有石穴可考又天井在郡城西北五十五里當太行陁入晉要道距修武百四十餘里天門石穴通之矣縣志引黑山清水條下瀑布垂巖懸河注壑儼詞移頌天門山

靈未必
然也

嵇山 在縣北五十里

按舊志云晉嵇康寓居于此故名考晉書嵇康銓人本姓奚因銓有嵇山改姓嵇後寓居山陽好事者於百家巖前鑄石曰嵇山以附會之耳

覆釜山 在縣北五十里太行最高處即今之小北

頂形如覆釜

鳳凰山 在縣北六十里高出諸峯之上相傳宋熙

寧間有鳳集其上

温峪山 在縣北五十里上有石峽峭壁千仞懸瀑

下注滙為白黑二龍潭

六真山 在縣西北二十五里

六真洞然已見水經注則邱之前卽有此名矣

青口山 在太行東西兩峽色如青葱

閻王鼻山 在青口後壁立萬仞名閻王鼻相傳有異人鑿石插木而上其上平衍泉甘土沃多珍禽異卉

古漢山 在縣北三十五里

按山西有漢獻帝陵順治十五年知縣淮陰卜永昇立禪陵碑其文曰山陽蔡莽用表荒陵疑冢孰掃天道神明

百家巖 在天門山下有石巖高數十仞廣數百丈其下可容百家故名

按全唐詩作栢巖文粹則百栢並用

當陽峪 在縣西北四十五里太行山中

孫真人洞 在太行山中相傳孫思邈嘗居此洞中
有五色石丸人取服之

觀音洞 在太行山玉女泉下

按沈志云觀音洞千佛洞並在百家巖

孔陽坡 在太行西

伏諸坡 在太行山南

小丹河 在縣西南

按舊志云秦始皇開水利於河內大丹河出山之
處分一支東流爲光溝又東爲常明溝逕武陟縣
至修武爲蔡溝
東入吳澤陂

淬劍池 在縣北栢巖寺西相傳以晉嵇康嘗淬劍

於此先曹澤石刻尚在

明月池 在百家巖寺內

玉女泉 在觀音洞北

皇母泉 在縣西北唐大中間開新河引入吳澤陂

今洞見水經注

王烈泉 在百家巖寺內迤東石壁上流出土人以

爲卽王烈得石髓處

馬鳴泉 在山陽城東北二十五里

按水經注云陸真阜南有皇母
馬鳴二泉東南合注於吳陂

龍王泉 鳴鳥泉 巧婦泉 七里泉 五里泉

俱在縣東北六真鄉

熨斗泉 陶泉 會泉 俱在縣北七賢鄉

馬坊泉 在城北真清觀前

按真清觀亦名海蟾宮卽寧城記所云前有古潭傳爲海蟾子洗丹處泉產小石若豆粒中有蟲似蝸牛負殼游行水中土人呼爲活石

靈泉 在縣西南五十里卽雙泉口亦名苟泉

按明天啟間知府王景開渠引入武陟寧郭鎮濠舊志分而爲三又謂靈泉在七賢鄉誤甚

清水泉 在縣北黑山

按水經注云自鹿山東清水所出也上承諸陂散泉積以成川南流屈曲溱布垂巖懸河注壑二十丈餘

濁鹿泉 在濁鹿城西

按水經注云陸真阜之東北得覆釜堆南有三泉相去四五里參差合次南注於陂泉

長泉 舊志無考

按水經注云又東長泉水注之源出白鹿山東南伏流逕一十三里重源濬發世亦謂之重泉水也又逕七賢祠東左右筠皇列植冬夏不變貞護

黑龍潭 在溫峪兩山壁立中其水深黑其聲如雷

白龍潭 在黑龍潭之南相傳有黑白二龍相爭上各有龍祠禱雨卽應

吳澤陂 在縣北十里

按水經注云清水又東南流吳澤陂水注之水上吳澤陂於修武縣故城西北修武故甯也魏獻子田於大陸還卒於甯是也大陸卽吳澤矣又云修武城西北二十里有吳澤水陂南北二十許里東

西三十里

宣聖陂 在縣北十里相傳孔子聞趙殺鳴犢而返

後以名陂

吳瀆 在故修武城西南

按水經注云南爲苟泉北則吳瀆二瀆雙導俱東入陂

紙坊溝 在縣北七十里

按大小紅河溝在紙坊北二十里俱入晉陵川縣要隘

劉公河 詳河渠

武陟縣

清風嶺 在縣南十里西連孟温南矚廣武蜿蜒而

東抵於黃沁之滙流中多名刹

保安岡 在縣西十里

美封岡 在縣西南十八里

司馬岡 在縣西南三十里

原和岡 在縣西南十五里

永興岡 在縣西南五里

羅作岡 在縣西南十里

裴家岡 在縣西南十五里

八里岡 在縣西南八里

將家岡 在縣西南十里

小李岡 在縣西南十二里

鳳凰岡 在縣南十里

陽城岡 在縣南五里

任家岡 在縣南十里

曹家岡 在縣南十里

馬家岡 在縣南十里

鄭家岡 在縣東南沁河東去縣十里

聚來峯 在縣西北三十里寧郭城內今石佛臺其

遺址也

金臺坡 在縣西南十六里

黃河 在縣南十六里詳見前

按縣舊志黃河故道在縣東即閻鎮及商村北舊堤尚有柳湯王堤當湯帝陵之北

沁水 在縣東南堯前併詳河渠

美按舊志沁水故道自城子村寶家灣里合
劉象村迤邐而來為沁水故道廢其行

東道山河 在縣西北十七里源出太行山至河內
楊儀橋徑石澗村歷武陟由唐游村達修武城南二
橋坡東流入衛河淤塞已久乾溝尚存

小丹河 在縣西北二十里見前併詳河渠

廣濟河 在縣西南十五里詳見河渠

雙泉口 在寧郭城西北隅見前

觀灘 在縣東四十五里沁河之北

溫縣

太平山 在縣西二十五里司馬故城內晉宣帝築

址尚存

筆架山 在縣治東南隅司馬故宅前

清風嶺 在縣東北東西長四十五里見前

沈河 在縣西三十里見前

按河由西韓村入境而南又名猪龍河至上院村仍名沈歷魏公臺南會溟滄二水入河

溟水 在縣西

按河由益之益江口曲折而東入境會滄河至平臯入河今道淤沒在小營卽入河

滄河 在縣西

按河卽溝河一作馬河由益縣東南流入境會溟水入河今道淤沒在小營卽入河不復逕城南矣

澇河 在縣北二十里東流合溟水入黃河

新開澇河 在姚家莊東北

新開掣水河 在北張村之西北

新開引水河 自縣北西南王橋至城西北角入

李坡 見沈志

孟縣

紫金山 在縣西八里

按山舊名嶺山其地宜麥又名麥山唐太宗常獵於此晉人云太行據中國之脊尾入幽薊而首始河陽謂此也

雷家山 在縣西三十里舊爲雷氏所居

嚴家山 在縣西三十里

高端岡 在縣西十五里紫金山之西

花石崖 在縣西三十五里崖谷幽邃亂流石澗中

潺湲有聲石色淺黃中隱隱成花本形

岬山 路史岬山河陽之屬

按沈志云卽紫金山路史曰卑山舊爲二山者非

黃河 在縣南二十里自沈河鎮流入鞏縣界詳見

前

溟水 在縣東北三里自濟源舊軹城流逕孟縣東南四十餘里至孟港入於河詳見前

沈水 在縣東二十里沈河鎮

按新唐書文德元年李罕之引河東兵圍河陽丁會牛存節敗河東兵於沈水卽此

湛水 卽今花石崖之水亦名軹陽河詳見前

桐水 源出嶺山詳見前

冶湖坂水 在縣西二十里源自關家溝西北至坂

南入於河

隰澗水 在縣西四十里南入於河今謂之洪澗

青龍泉 在縣西二十五里東北流會尹村韓文公

祖墳前水至雨寺東入於湫

溫泉 在縣西北冶牆村夏涼冬溫流入於湫

小金堤 在縣西南八里見河渠

遮馬堤 在縣西南見古蹟

富平津 在縣西南野戍南卽古孟津

按左傳僖公二十五年杜注孟河內河陽縣在洛陽北都道所奏古今以爲津故名武王會諸侯於

此故又名盟津一名武濟又曰

富平津又曰曲河一曰洶渚

千倉渠 廣濟渠 俱詳河渠

原武縣

黑洋山 在縣東北二十里脈肇於鳳凰臺蜿蜒十餘里至河濱廟入陽武縣後沒於河

靈鵲山 在縣北護城堤外俗名狗脊山中產粗沙呼爲馬牙沙後沒於河

黃河 在縣南西自韓家莊入縣界東至小灘谷堆東北折入陽武縣界詳見前

五龍池 在縣西門外三官廟後

按明萬歷間知縣吉珍禱雨開碑文知後有五龍池鑿之得泉五兩大降因築臺建廟後值河水淤沒雍正十年早知縣吳文所復浚出之禱雨立應迨後日久池復淤前河北道康公基田以歲旱行部至原重爲濬治雨亦旋降乾隆五十二年河北道唐公侍陛捐俸修治池之四圍砌以磚石於龍神廟東另建殿廷以奉三官之神並添建大門二門規制加宏敞矣邑訓導張鳴鑾有碑記見藝文

黑龍潭 在磁碭堤北三里許方十畝明萬曆十年
年知縣張祥以大旱水涸命濬之禱雨立應上有黑
龍王廟旁有亭曰空心亭

馬家渡口 在張固村正南八里距縣二十里

陽武縣

黑洋山 在縣西北二十里明洪武間河決於此今
岸邊猶隱有山脚有河瀆廟碑記見河渠志

中嶽 在縣西北二十里

凹腰岡 在縣東北三十里以岡形中低故名

脾沙岡 在縣東南三十里

方古阜 在縣東北四里

單古阜 在縣東南三十里

黑古阜 在縣東南十五里

黃河 在縣南十五里詳見前

濟水 在縣北

按水經注云濟水又東南流入陽武縣北後漢張
玘爲陽武令上言河決日久浸毀濟堰宜急修堤
防以安百姓至今賴之
因立祠焉餘詳濟源

沁河 在縣南陽武舊志云舊自武陟縣東流而下
徑縣南大堤北卽其故渠也餘見前

盧家潭 在縣南任家莊去縣四里廣長約二頃內
產魚鼈崇正四年河溢出至今未乾

申家潭 在縣東二十里

雁李家潭 在縣東二十五里

風俗

河內殷墟更屬於晉俗剛強多豪傑侵奪薄恩禮好

生分

漢書地理志

人性質厚少文多專經術大率好勇尚義號爲強忮

宋史地理志

河北路

風土得四方之正是以習俗好尚奢儉得中薰染許

魯齋道學之化好性理崇禮義

元地理志

興淳儉之化息崇侈之習人淳事簡

明一統志

民多敦本好學力耕桑而鄙販鬻尚清談而多壽考

府志

志

其俗朴野易治

濟源縣志

男耕女織村落連延頗尚節儉之風自得恬熙之樂

府舊志

民淳俗厚敦尚禮節

元武陟志

喪必弔婚不計財士大夫崇尚禮儀男業耕女業織

第重利健訟

明武陟志

男務耕讀女勤織紡

溫縣志

士介而寡合

溫縣志

地瘠而急公民貧而尚義

溫縣志

婚喪宴會飲食衣服咸崇樸茂

孟縣志

好鬪健訟

孟縣志

民貧而急公以逋賦爲耻

孟縣志

男耕女織勤於本業

孟縣志

人性淳篤風俗質樸士重節概民貧務本婚姻不

財交易不飾價猶有先王之遺風焉

原武舊志

民勤稼穡而鮮詞訟富厚大率起於農務第積習久

不無漸於沃土易淫之弊

陽武舊志

懷慶府志卷之三

懷慶府志卷之四

輿地志

古蹟

河內縣

邠城 在府城西北二十里

按古邠國周武王所封左傳邠晉應韓武之穆也水經注云野王西北有故邠城城南有邠臺今呼爲一臺村

小沁城 在府城西三十里

按水經注沁水又東逕沁水亭北世謂之小沁城今各履倍村舊志以覆背爲期城又謂左傳王以隰城與鄭卽此而不載小沁城通志亦同然通志又載隰城在武陟均爲兩岐今小沁城水道可考

期城自有村在不如從鄭氏

野王城

自卽今府城

按左傳魏襄歸於野王戰國衛君角阻山而保
歸王來繼隨於水又東逕野王故城北卽此

州城

在縣東四十七里

按武格寨有元魏碑可證考左氏定公八年宋祁
歸卒於太行士鞅曰宋必叛不如止其尸以求成
焉乃止諸州今寨北卽太行也又水經注云朱溝
自枝驪東南逕州城南今寨南里許臨沁河可考
也舊志不志州城而志安昌城謂在城東南六十
里漢封張馮安昌侯卽此今東南六十里固無此
城故跡祝漢安昌侯國在汝南郡漢書志可考難
以牽引河內郡之安昌卽此州是隋書地理志州
初改名邢邱後改名安昌是安昌卽州無二地也
戎疑郡國志平臯有邢邱晉書平臯有安昌城
安昌注舊有平臯皆當在溫然臣瓚曰邢是邱名
非縣矣晉時平臯或別有安昌城隋時安昌或析
其地未可知
此之古蹟不可誣

武德城在府城東南五十里

鄧城 在府城東北四十里

按竹書紀年曰梁惠成王三十九年趙成偃韓
侯若伐我葵卽此城也司馬彪郡國志曰山陽有
鄧城京相璠曰河內山陽西六十里有鄧城水經
注曰丹水逕鄧城西唐置太行縣尋廢宋元以來
改爲清化鎮明推官潘棠築城
知縣羅夢磨楊調鼎先後重修

忠義城 在府城西南三十里唐初置縣尋廢今爲

宗義鎮

紫陵城 在府城西北三十里唐初置縣尋廢今爲

紫陵村

碗子城 在府城北六十里

按太行山頂其路羊腸百折中有平地僅一畝唐
初築城以撥懷慶兩州之衝其城甚小故名沈志
又云城西北五十五里太行山上其形如井深不
可測爲豫晉孔道今以石壘其口井北有關道出

其中劉歆遂初賦曰馳太行之險峻入天井之高關

東金城 在府城東四十三里

西金城 在府城東北四十里

按水經注金亭卽此元魏地形志亦云武德郡有金城

中都城 在府城東北二十里

按元魏地形志云武德郡有中都城水經注曰光溝水逕中都亭南今爲內都村

萬善城 在府城北二十里

按唐武宗討劉稹河陽節度使王茂元屯兵於此李克用出天井關諸葛藜屯兵萬善以拒之明爲

萬善驛

今廢

苑鄉城 在府城北

成鄉城 在府城東北

按水經注云丹水西經苑鄉城北又云光溝
成鄉縣北舊志云俱在府東北宋指其地邑人
傳府北二十里丹水旁大郎寨爲苑鄉府東二十
五里沁河南尚香鎮有古城濠卽成鄉亦未敢信
也

栢香城 在府城西三十五里金元以來爲鎮明崇

正六年於其地築善建城

平臯城 在府城東

按左傳赤翟伐晉圍邢邱
注云今河內平臯縣是也

向城 在懷之河內西北二十七里見寰宇記

波縣城 在府城南漢縣廢

按通志河內縣舊志俱有付遂
城卽緝城今考緝城在濟源

迴車廟 在府城北十里

按水經注邢水東南逕孔子廟東廟在今義河莊
莊在邢城東辭殘碣猶載其事酈道元所稱卽此

見金石

沁園 在府城東北三十里沁河北岸金時官僚遊
宴之地相傳有石圖本今不可考

射犬聚 在清化東南

按水經注長明溝水東逕射犬城北漢赤眉衆十
餘萬在射犬光武進擊大破之後河內太守張揚
爲將楊醜所害
駐固殺醜屯此

新店 在府城北二十里

按唐武宗討劉稹王茂元屯軍萬善稹牙將劉公
直潛師過萬善南五里焚雍店相傳今新店卽
店因公直焚後更建故名
今其地在萬善東南五里

竹園 在府城北舊崇教鄉宋大中祥符間置

丹谷 在府城東北丹水入境處

按魏莊帝詔源子恭鎮太行丹谷水經注曰丹水又東南流注於丹谷劉越石扶風歌所謂丹水也

丹口 在府城東北

按水經注丹水逕苑鄉城南東南流注於沁謂之丹口

羊腸坡 在府城毗

按括地志云河內西北二十里曹孟德詩云羊腸坡詰曲卽此北史崔頤傳從駕往太行山認得蹟何處有羊腸坡答曰上黨壺關縣有羊腸坡帝曰不是又答曰案壺關地書太行北九十里羊腸坡帝曰是也因謂牛宏曰崔祖濟所謂問知二然則太行有二坡在河內者疑卽太行徑數

迎風樓 在府城北

按宋王巖叟有千峯南向四時碧一水東流萬古寒之句

華嶽廟 在府城北郭沁水北

按水經注云廟側有鑽栢數百根對郭臨川負岡
陰渚青青彌望奇可玩也魏懷州刺史李洪之之

所經構
今廢

望嶽樓 在府城內元初建臺高百尺上起飛構其

後有堂曰具瞻面嵩少背太行得郡勝概

懷川閣 在府城內舊懷州治宋尹洙建

鎮山亭 在府城上金沁南軍節度使耿光祿建以

鎮遏太行之寇碑刻尚存

懷古堂 在府城內舊懷州治唐太守杜正倫建

按杜正倫本傳未嘗爲懷州刺史當是杜倫
耳舊志以杜儵爲漢杜喬辯見陵墓職官

牧愛堂 在府城內舊節度使廳事

大臺 在府城東漢光武遣王梁擊赤眉於此

會春園 在府城東北沁水北岸五代周顯德中置

竹塢 在府城東北明月山之南

按乾隆庚午秋

聖駕巡幸有

題竹塢詩恭

錄卷首

張肯宅 在府城節婦坊

按宋龍圖閣直學士張肯初遊學數年不還家人欲嫁其妻妻李守節而死因以名坊

許文正公別墅 在府城北十五里景賢村

按村有文正公祀田二十八畝後爲鄉民所有正德間巡撫李公檄有司贖取之畀許氏子孫世守

焉見何柏齋文集

冷地在隱范村

何文定公別墅 在府城南四里南上村

劉自然菴 在府城東北金傘山卽萬壽觀見祠廟

義鹿塚 在府城南門外

按明萬歷間河內令侯加采德政及物臨行麋鹿
銜衣不食水草嗷叫而死邑民立碑道傍以紀其
事

濟源縣

芮侯采邑 在今芮村

毛公采邑 在今毛田村

召公采邑 在邵原南

薄昭采邑 在軹城

王屋縣 在縣西八十里

燕川縣 在縣北十三里

西濟州城 在縣西北唐魏跨城東垣稍北乃唐以

來濟源舊城也

原城 在縣西北四里

按夏后杼居原周武王封弟原叔晉文公伐原云信卽此杜預曰河內沁水縣西北有原城今呼爲原村遺址尚存

向城 在縣西南

按郡國志云左傳王以蘇忿生田向與鄭杜注輒縣西北地各向上水也輒縣南山西曲有向城卽周向國輒地也古在古河陽縣西北四十里今通志云濟源西南舊志外括地志云向孟縣以朱注十月之詩爲據但孟西北止三十里古蹟似當在濟

緡城 舊志未詳

按水經注淇水又東北逕波縣故城北漢高帝封公上不害爲侯國漢書地理志波有緡城左傳王真鄭緡卽此

溟梁 在縣西南合共村通聯太行吳起土阜延袤

百里東至張金村入孟固界止

按溟水出山至合共村隨溟梁曲折而東下於孟入河左傳襄公十六年三月會于溟梁爾雅疏曰溟謂之梁雖所在皆有爾無大於溟水之旁者信可徵已舊志收入孟縣云在縣東五里今梁村岡迤東南二十餘里皆是古溟水由其下至温入河萬歷間改由孟港云云今從沈稿

長城 在軹關南

按或曰山作壁秦嶺橫亘補其罅漏聯屬而南直抵黃河約長百里洵天險也史稱齊河清二年詔斛律光率步騎二萬於軹關南築長城二百里置十三戍卽此

軹城 在縣東南十三里

按秦昭王伐魏取軹漢爲縣光武本紀吳漢破青犢於軹西今呼軹

曲陽城 在縣西南十五里見舊志

按史記魏昭王九年秦拔我新垣曲陽之城侯先築安邑王垣故曰新垣即今垣曲也史既屬新垣而縣有下曲陽村故舊志紀如此未詳何據仍之以備考謂即陽樊者辨在修武

陽樊城 在縣東南三十六里

按濟孟之交渙水南岸周樊仲山所居其孫仲皮叛魏公執之於此後襄主賜晉今修武城

沁水城 在縣東北沁水南沁壑西

按水經注魏土地記曰河南野王縣西七十里沁水左經沁水城西附城東南流也

東邱城 在原城東北見水經注

渙陽城 在縣東渙河北疑即今苗莊

勳掌城 在縣西北二十五里一作訓掌高歡築以

禦西魏

湛城址 在向城東南

按郡國志河陽有淇水經注云在何城東南不知孰是

新城址 在今封門鎮南

裴通城 在縣東南二十里官莊南

按通志府舊志皆載此且載裴通墓宛未志何許人考唐世系表有四裴通一爲南來吳裴氏禮部尚書倩之子字文元仕至檢校禮部尚書一爲澆馬裴氏仕開府儀同三司一爲西眷裴氏爲北齊蓋關令謁之之子一爲東眷裴氏仕壽州刺史皆非本郡人亦未官於此而東眷裴氏再考宋藝文志有裴通周易宏解三卷亦未志何時人始識以俟考

軹關 在縣西四十里兩山相夾勢頗險阻

按置關始戰國時北齊懷州刺史平鑿修築以捍西魏文宣帝以深入敵境欲棄之後用潘樂計乃更防固置戍焉

溱關 舊志未詳

按水經注漢水夾山東南流逕故城東即其關也
西屬巡關城南歷軹關南逕苗亭又東注於河漢
光武遣王梁守棊
關即此疑今大店

狐嶺關 在縣北明洪武初建懷慶衛分遣把守

鍾公壘 在今鍾公村

按水經注漢水入東逕鍾繇塢北世謂之
鍾公壘魏文帝時太傅鍾繇屯兵於此

桃園 在不老泉仙經張果老園

吏隱園 在今縣治舊三善軒匾額有唐元和年記

李嶠園 在王屋山側

竇氏園 在鐵岸北一名竇家溪

按宋王巖叟詩有李郭名園竇氏鄰傅林
花竹遠相親之句李郭碑在園相去不遠

司空園 在縣東門外洧河北岸一畝樂餘園

靈源閣 在濟瀆上俗呼水殿時人拋香醜酒於此

苗亭 在縣西四十里軹關南卽苗賈皇邑

郛郛 在縣西

按後漢地理志垣縣注曰縣東九十里有郛郛之
阨賈季迎公子樂於陳趙盾殺諸郛郛春秋彙纂
云在濟源西一百里有郛亭唐置郛原縣於此今
縣治西距垣曲界一百七十五里而郛原鎮在
去縣止百二十里是郛郛卽濟
之郛原無疑後人兩稱之也

軒轅亭 在天壇頂世傳軒轅於此更衣又名換衣

亭

房公亭 在濟瀆廟西唐房瑄爲濟令時建

裴公亭 在濟廟側唐相裴休建

青龍亭 在濟瀆廟後

萬柳亭 在縣西澇水北岸

按唐白居易詩有獨立蒼泮殘

照外落花飛絮點人衣之句

望懷亭 在縣東北三十里下臨枋口唐賢遊咏之所

牛宏別墅 在今牛家社

徐公故里 在縣東青龍里辨見陵墓

溫處士莊 在王屋山唐溫造隱處

岑參青蘿齋 在青蘿河

盧仝別墅 在縣西北三十里石村北玉川烹茶館在焉

蕭俛舊墅 在縣城西俛移病歸老治墅於此

石敬瑭別墅 一在縣西六十里韓村社俗呼爲特進莊敬瑭爲河陽節度使時置一在孟縣

傅堯俞別墅 在縣西北盤谷山

草堂 在濟瀆廟西傅堯俞建今呼傅家園

蓼塢 在縣西南

卽西魏將楊稠攻破塢獲東魏李顯處

藏衣塢 在陽臺宮西南八里

懸鶴臺 在縣西玉陽東山上世傳緱山王子晉騎鶴憩此

鶴憩此

沁臺 在縣東北三十里爲裴相故園俗呼臺

夜香臺 在縣東北

按宋縣令陳省華妻田氏焚香於此後三子莫以
堯佐堯谷相繼登科甲爲名臣馮封滕國太夫人
李謙遊龍潭記
云臺址尚存

四合堂 在延慶寺西爲陳省華父子建

思賢堂 在縣治內元至元間縣令劉源建

玉碑子 疑卽今碑子村唐盧仝有哭玉碑子詩

平鑿靈井 在縣西四十里

按東魏時敵攻軹城內井涸懷州
刺史平鑿具衣冠視之泉湧出

磕井 在縣西北郭村里水常不涸

燕家井 在陽臺宮東側亦名烟蘿子井相傳燕真
人烟蘿子於此洗參食之又名洗參井

原昌井 在縣西北卽梁真投檄之井見名宦

段公井 在官莊邑紳段國瑜施地掘井以濟行旅

土人因名之

修武縣

雍城 在縣西

按古雍國文王子所封水經注寒泉水出雍城西
北左傳杜注在河內山陽縣西今考修邑諸泉皆
出西北依道里計之合於水道此城常在牆南村
之西南河內新店之東北以新店古名雍店在山
陽故城西與
杜氏合也

樊城 在縣西南三十里

按後漢郡國志修武有陽樊攢茅田注曰樊仲山
居故名陽樊是在修武無疑舊志及通志皆指濟
源皮子城爲陽樊以左氏有虢公入樊執樊仲皮
之文也而濟源縣志又引水經注以曲陽城爲陽
樊迄無定論然古今分析地界卽有不同而濟源
在昔爲軹與修武東西遙隔中尚間以野王平望

州溫河等縣兩漢去周末遠蔚宗作史採
東觀漢書不入之軼而入之修武較道元穿鑿之
說爲可徵言今修武武陟兩縣志又俱載
此城以爲古屯兵爲注未免齊東之誦矣

攢城 在縣北二十里

隕城 在縣北

按水經注隱公十一年王以攢茅隕十二邑與司
寇蘇忿生京相璠曰修武縣北有故隕城實中今
世俗謂之皮塏方四百步實中高入丈際陂北隔
水一十五里俗所謂蘭邱也方二百步西一十里
又有一邱際陂世謂勅邱方五百步形狀相類疑
卽古攢茅也然則攢茅二字連讀今其地皆莫考
縣新志攢城縣北二十里大陸
村未詳何據茲別列大陸於下

大陸 在縣北三十五里

按定公元年魏獻子田於大陸焚焉疏曰當時荒
蕪之地故以大陸名今縣北三十五里村名大陸
南際吳澤陂與水經注
大陸卽吳澤之語合

李同城 在縣東北二十里

按郡國志平阜有李城注史記邯鄲李同却秦兵戰死趙封其父爲李侯卽此舊志訛爲李固平阜今屬溫溫新志載同事而各志皆在修武且修有村村有城父老相傳稱各無異是可信已或當年平阜析入修溫故兩邑皆有平阜故境而此城則不在溫也

山陽城 在縣西北三十五里今呼爲牆南村漢置

山陽縣曹丕篡漢廢獻帝爲山陽公

濁鹿城 在縣西北六十里

按漢書云漢獻帝葬城北爲禪陵一名清陽城今考通志不載山陽城云濁鹿卽山陽因酈氏陽公所居也帶山陽濁鹿固義難合并且今考村土人猶呼山陽而漢陵之下村各蜀鹿彭考不容

呂公城 在縣西五十里俗呼秦呂公城

按始皇紀嫪毐封長信侯
以山陽之地居之疑卽此真

南陽城 在縣北三十里今名安陽城

按漢書地理志應劭曰晉始敗南陽是也音靖通
志謂唐韓愈世居此名韓家莊蓋從朱子韓文公
行狀考內河內修武一語而遽
言之未釋朱子之上下文也

小修武城 在縣東南十五里漢高祖奪韓信軍於
此俗名齊王城與今宣陽驛相近

避暑樓 在百家巖西漢獻帝常避暑於此今廢址
猶存

醒酒臺 在避暑樓西有奇石長二丈餘俯視絕壑
宋曹湮大書醒酒臺三字鐫石上以地近竹林爲壑
伯倫言也

釣臺 在縣北二十里六真山西

嵇康鍛竈淬劍池 俱在百家巖下有宋人石刻

連理槐 在縣西二十里義門村

按兩樹相去三步許上有一枝交貫甚茂元張宏毅家物今尚存縣志作宋張宏毅通志則云唐張公藝家物皆訛誤也

海蟾宮 在縣北馬坊村

按卽金之清真觀俗傳爲金劉操修道處詳見金石

環翠亭 在百家巖下知縣宋師祁重修

范張祠 在安信鄉

釣臺營 在縣北七里許相傳村中有池池內有月

聯朔弦望與在天者無殊今湮

苟泉陂 在縣西五十里

按舊志云晉太和中有楊生隨一犬醉卧於地
火將至犬呼號不醒遂剗地得泉以身引水灌草
生得不死

甘泉閣 在縣西門外不知創自何時其後有井甘
而冽故名康熙四十二年

靈巖西巡駐蹕修武此泉供

御焉

七賢鄉 在縣西北三十里山陽城卽晉竹林遊處
甄塔 在南門內勝果寺西北喞創自宋紹聖中見
金石康熙五十二年三月十七日塔頂現青白二氣
如雲越二日方止

孔子問禮處 在孔莊南

武陟縣

懷城 在縣西十一里

按左傳赤翟伐晉圍懷光武本紀注曰故城在懷州武陟縣西水經注引韓詩外傳曰武王伐紂更名邢邱曰懷王莽以爲河內郡治今名張村

懷宮 亦在張村

按光武本紀癸丑祀高祖太宗世宗於懷宮進幸河陽又耿純傳純從攻王郎墮馬折肩還詣懷宮是也

隰城 在縣西南十五里城子村

按左傳王與鄭隰城又取太叔於溫殺之隰城羅泌曰隰城西有古懷城水經注沙溝又實城北京相璠曰在懷縣西南

儼人亭 在縣西南十五里

按左傳卻至與周爭儼田杜注曰河內懷縣西南有儼人亭

樊城 在縣西南四十五里漢樊噲屯兵處今名古

樊城

司馬城 在縣西南三十里晉司馬炎故城今爲司

馬鎮

永橋城 在縣西二十五里

按北周韋孝寬討尉遲迥大破其軍於懷州進次懷縣永橋城之東南隔沁水相持卽此地今爲虹橋鎮

陟州城 在縣東南四十里唐故州治張瑀會盟於

此

沁陽城 在沁水北河內武陟之交

按水經注懷縣北有沁陽城沁水逕其南而北注今名沁陽村

長陵城 見後魏地形志

安昌城 在縣西南四十里趙莊詳河內

古夏城 見舊志

按舊志不知何據水經注云沙溝水逕殷城則懷又可名殷城

盟門 在縣東

按晉文公伐原原未降公令去之及盟門而原請降卽此

舍利塔 在縣西十一里張村

按唐時建五代周顯德二年重修侍御蘇允平有記今字跡磨滅不可考矣

卧臺 在縣北五里龍睡村臺方廣十丈餘高六尺

許相傳宋藝祖微時過此憇焉因以各村其遺址至今猶存

按康熙乙卯舉人牛自新懷官咏古詩木欒雄鎮傍城阿藝祖當年從此過兩岸綠楊環沁水一原芳草蔚黃河山濤祠古鶯花老天乙墳荒歲月多妙樂塢前聊縱目清風嶺上有懸蘿自新原武人新城王尚書稱為博雅然則卧臺非流傳荒誕矣特未知原出何書也

宋郭鎮 在縣西北見金史今名寧郭

按舊志縣志皆有隋末通墓因附會曰今寧郭鎮各宋村考諸正史並無其人志又未詳所據自當从金史地理志

木欒鎮 在縣城東門外詳見卧臺

古槐 在縣東馬曲村

按舊志云植自元時明嘉靖七年枯十五年復生枝葉圍三丈餘中空可坐數人有碑刊古槐二字

國朝知縣龍待結茅於槐腹顏曰懷亭今亭已圮而槐之枝葉乘時發生猶極青翠乾隆四十八年河北道康公基田改三元廟以祀虛星詳祠祀

妙樂塔 在張村塔前有槿樹二株高凌雲漢疑卽妙樂寺舍利塔也

麒麟塚 在縣西門外里許

溫縣

古溫城 在縣西南三十里有古城漢溫縣卽蘇忿生邑亦曰蘇城

平臯城 在縣東二十里卽今平臯鎮

按漢高祖封項佗爲平臯侯括地志云平臯縣東北至懷州四十五里今武陟縣張村是也至武德郡二十里今河內縣武德鎮是也

形邱城 在平阜東北隅

按漢書地理志邢是邱名非國也晉侯送女於邢邱蓋謂此耳續漢書郡國志云古邢國魯公子功封姑陶存

以備考

招賢城 在縣西二十里晉宣帝築以招賢卽今招賢鎮城基址猶存

集城 在孟縣河內之間唐宋故縣今名城子村

古城 在縣西北十五里城子裏基址尚存建置失考

雞鳴城 在南門外東城下高阜處振履則膠膠有聲如雞鳴然

瓦屋 在縣西北二十五里春秋盟瓦屋卽此今呼

五郭村

按春秋註云周地疏云知是周地者以其會於温盟於瓦屋會盟不得相遠温是周地知瓦屋亦周地也今考村中有宋碑亦云春秋瓦屋地是可證也通志温與洧川兩載之然洧川沿革志曰鄭之曲洧則非周地矣故從温

神農澗 在縣西門內舊傳炎帝採藥至此以杖畫

地成澗

軒轅碑 在縣西門外土地祠右相傳軒轅問道於

此

號公臺 在縣西十五里周封號仲之地

按水經注濟水南盛號公臺晉宣帝過故邑進温父老宴賀於此故又名賀酒臺

鳳凰臺 一在縣西王羊店本草遠志出温鳳凰臺

下卽此一在縣北渠河明嘉靖間鳳凰集於渠河東
臺故名

硯瓦臺 在城內東南隅司馬故宅前

桃花洞 在城內東南隅硯瓦臺下其洞幽折甚遠
亦名司馬轉軍洞

司馬故宅 今城東南隅子城舊爲學宮明嘉靖十
年王守德明移於南門內別葺設粥寺於此冬瞻貧
民

按明胡石屏子城詩暫宿英雄宅神疑燕雀居時
平無戰馬歲久作僧廬霧隱河源出沙穿浦月虛
無言謝喧擾入室問真如
縣志作馬鮒詩今從舊志

陳侍中菴 在縣西二十五里于村宋朝議大夫陳

安期安壽安國安民兄弟構菴讀書皆成進士世傳
爲陳氏文堂今廢

平州古塔 在縣東二里宋建隆三年邑令王朝翊
建於舊東明寺今寺廢塔存

看花樓 在平臯

平臯鎮 在縣東二十里爲平臯故縣

按括地志云平臯縣東北至懷州四十五里今武
陟之張村是也至武德郡二十里今河內之武德
鎮是也道
里與今合

溫泉 在縣西五里院縣以此得名今涸

孟縣

向都 在縣西北

按周幽王封皇父於此詩
小雅十月之交作都於向

河陽城 在縣西南三十里

按春秋天王狩於河陽卽此漢置縣隋文帝於此
建河陽宮通志作隋文帝建舊志作唐高祖建

河陽三城 在縣西南

按通典河陽北城後魏太和中築齊使潘樂鎮於
此今孟縣是也又使高永樂守南城以備西魏今
孟津是也中潭城東魏元象元年築今夾灘是也
唐至德中史思明來寇李光弼率士馬數萬東守
河陽三城賊憚光弼軍威南不出百里西不越畿
內陝州得修戎備關輔無虞皆光弼守河陽之力
自乾元後常置重兵貞元後常置節度爲都城巨
防唐屬河南府置河陽三城使會昌三年置孟州
齊傳伏自永橋夜入中潭城方勺曰河陽三城其
中城曰中潭黃河兩派貫於三城之間秋水泛溢
南北二城皆有溝足之患惟中潭屹然如故此潭
隨水高下若所謂地脈浮金者中潭卽今郭家灘
又考晉泰始十年杜預以孟津渡險請建河橋河
橋自此始又宋仁宗嘉佑八年秋大水毀河陽中

渾政和七年詔修河
陽河北橋其後卒廢

孟州城 卽上孟州金大定中城壞於河築城徙治

北中城 後漢置北中郎府卽今下孟州

漢高祖講武城 在下孟州河干俗呼蜀王城

按水經注河北側豈有二城相對其西城卽北中
府後河陽節度治此其東城則郭汾陽李臨淮以
爲壁壘今
故址猶存

冶城 卽今冶牆村見水經注

冶坂城 在野戍鎮北

按舊志注野戍云漢名野戍唐名野水冶坂城注
云舊名漢祖渡皆未注所本考王充論衡曰古曰
盟津俗名冶戍今河陽縣津也是漢名冶坂城志
訛爲野戍也唐書李光弼傳上元元年進圍滑州
史思明來救光弼再逐北思明見兵河清爲今之孟津是野水卽冶坂城也

野戍乃合漢書而各說一字也北魏十粟碑傳
宗幸盟津謂栗磾曰河可橋乎曰杜預遺事可想
乃編次大船構橋於冶坂云云是冶坂明證也今
城址卽在鎮北是冶坂與冶戍野水無二地也舊
志又志冶城以水經注天漿水東
北逕冶城爲証殊明會失考已

鄧城 在縣西北

按秦本紀左更錯取軹及鄧括地志云故鄧城在
懷州河陽縣六國詩魏邑也考水經注云河濟有
鄧津之名似在
縣之西北境

無鼻城 在河橋北

按卽魏孝文安置廢太子恂處水經注云溴水出
軹縣原山南流注於河水東有無辟邑卽無鼻城
蕭子顯曰在
河橋北二里

安國城 在縣北卽今安村

迴洛故城 見唐書

野戍鎮 在城西四十里

周襄王宮 在縣西三十里

按原武縣志載衡雍引杜預注及各史書甚詳孟縣志府志所載似不可據

郇櫟 在縣西北三十里舊志云春秋晉范文子封

邑卽今郇櫟村見國語

按晉世家咎范與秦晉大夫盟於郇杜注解縣西北有郇城則不在豫矣今縣亦無此地名惟修武有郇封村而修志未載仍之以備考

白騎塢 在縣之白牆張營村

按漢末張晟聚衆屯此孤立原曹開數十年晟好乘白馬故名水經注謂白騎塢北帶深隍三面險峻爲水會處

梓澤 在縣西四十五里晉石崇別館

澆花井 在今源頭村相傳晉潘岳澆花井

尤來砦 在縣西三十五里漢末尤來據此在大仇

村西北

摩天砦 在縣西五十里卽今摩雲嶺五代李罕之

據此

遮馬堤 在縣西南十里光弼戰史思

明處

按唐書白孝德傳史思明攻河陽使驍將劉龍仙以騎五千挑戰光弼召孝德取是賊對曰願出五十騎見可而進乃擁二矛策馬絕河而濟龍仙易之不爲動將至孝德瞋目曰賊識我子羅馬前博五十騎繼進龍仙環堤走追斬以還疑爲此輩故名特其地無考是時光弼在北城當是今縣西南

白司馬坂 在縣西南四十五里

按唐書張廷珪傳武后營佛寺於白司馬塢卽今白坂

全義灘 在縣西南二十里五代張全義居此教民

耕墾

萬艘潭 在舊孟州治南黃河中

畜魚池 唐元宗時畜黃魚於此今無考

陽臺觀 舊志云宋徽宗時出醴泉今無考

鬪雞臺 在縣西五里

按縣志云世傳五月五日號太子鬪雞於此舊志云唐時洛陽王公貴家歲時令節相聚會走馬鬪雞於此似爲得實今臺址尚存

涼馬臺 在舊平津西

按晉書載記云權翼密遣壯士邀慕容垂於可喬乘自涼馬臺結草綫以渡水經注云襄陽

百源城河水逕其北有神馬亭去白馬津可二十里許今考神馬亭既在東郡白馬正對黎陽岸垂安得越滎洛而至此渡河乎此涼馬臺蓋在富平津之西由晉人於河渚浴馬浴竟就高納涼故名

五龍臺 在縣西舊有五龍廟

平嵩閣 在舊州後圃因城爲臺北倚太行南憑嵩少俯瞰大河數百里山川之美收於一覽實河陽美觀遺址在今金龍大王廟傍

揚清閣 在河陽縣治後圃內宋慶歷中令鮮于亨建元豐中令高元改閣爲亭黃庭堅作記

聯芳亭 亦在圃內鮮于亨建

禮賢館 在舊治後圃宋呂公著守河陽司馬光范鎮往謁公署館於此故名

德威堂 在舊治宋文彥博以司空判河陽後其子及甫亦治河陽因建堂

太師堂 在舊治文彥博以太師致仕居洛陽子及甫適治河陽迎養作堂以居刻父二詩於石

韓愈別墅 在縣西十里俗呼韓莊

穀旦鎮 在縣北十五里

河陽驛 在縣南十五里河陽古渡西舊有皇華堂今改入縣治

鉤陳壘 在縣西南四十里相傳武王伐紂諸侯會處以紫微有鉤陳星主兵陣故各誓師壇尚存在今北陳

原武縣

扈亭城 在卷縣西北見左傳杜注

卷城 在縣西北

按史記秦攻魏卷取之括地志云卷城在鄭州原武縣西北水經注云陰溝受水於大河故瀆東南
逕卷縣城南

安城 在縣東南二十里

按史記魏世家秦拔我安城括地志云安城在原武縣東南明初置安城縣後廢爲驛今縣有安城
里

垣雍城 在縣西北七里

按司馬彪云河南卷縣有垣雍城史記正義又各垣離卷縣所理在鄭州原武東漢郡國志卷城有垣雍城杜預云卽古衡雍

踐土 左傳杜註云鄭地去衡雍六里有踐土臺

按括地志滎澤西北十五里有王宮城城內東北隅有踐土臺後漢地理志卷有垣離今原武新志謂城濮之戰楚師敗績晉師三日館穀甲午至於衡作王宮於踐土是踐土近於衡雍無疑春秋彙纂云衡雍在原武西北七里卽圈廂城也治南有盟山廟內祀二神相傳爲晉文楚莊康熙年間重修蓋卽扈亭遺址云今原武在滎澤東北五十里登諸地志說爲西北十五里而云在滎澤耶抑廢典考河各

有遷徙耶

長城 在今長城里

按史記蘇秦說魏襄王曰西有長城之界徐廣曰卷內有長城又東漢郡國志卷有長城

蒙城 在今縣西蒙城村

按史記秦蒙鶩取成臯滎陽初置三川郡於此東魏置廣武郡

修澤 在縣東

按春秋成公十年鄭子然盟於修澤杜注滎陽卷縣東有武修亭

原圃 舊志未詳

按水經云濟水東逕原武故城注云春秋之原圃也

臧公壘 舊志未詳

按東漢建武十五年妖賊單臣傳鎮等據原武詔臧官將兵圍之屯軍於此

婁公采邑 在婁采店

玲瓏塔 在縣東門外善護寺東宋徽宗崇寧四年

建

王府莊 在縣北二十里明周簡王子安懿王子疇

封於此

鳳凰臺 在縣北二十里小金堤上界連黑洋山

陽武縣

武疆城 在縣東北三十里

按史記漢兵下陽武先攻破武疆卽此

團城 在縣東南二十里俗呼爲新城卽曹操與袁紹相拒處

棣城 在縣西北五十里相傳爲古縣治

按左傳楚伐陳諸侯會於城棣以救之卽此

博浪沙 在縣東南三里父老相傳景曦門外韓人張子房募力士擊秦始皇處

按縣有留侯里亦以子房擊秦得名

戶牖鄉 在縣東北二十里有庫上里

按戶牖鄉庫上
里卽陳平故社

文侯鄉 在縣西北二十里漢丞相張蒼故里土人
呼張大夫寨

桑園 舊志未詳

按漢曹大家止宿處曹昭東
征賦宿陽武之桑園是也

越石 舊志未詳相傳劉琨屯兵於此故名

古延州 在縣東北二十五里金置今廢爲鎮

官渡 在縣東南十里袁紹與曹操相拒處

江樓 在陽武縣見通志

顧王廟 舊志云本故王乃高麗王奉金主約東侵

宋故主於此因名

陵墓

懷慶府

附

河內縣

漢郭巨墓 在府城北沁水北岸

按巨本林慮人漢時林慮屬河內郡故李士傳稱河內人遂援引入河內縣也今林縣西距三十里有郭巨墓通志反遺彼而存此矣

晉管輅墓 在城東北

唐李商隱墓 在城東

按文集云祖塋在懷州東郊今考在清化北山下

元許衡墓 在城東北六十里

按通志作西北七十里非

李潤墓 河內志失載墓所

明鄭靖王墓 康王墓 懿王墓 敬王墓 恭王

墓 俱在紅嶺山

端清世子墓 在九峯山王□撰世子墓碑刻而未

立在九峯寺縣志簡王墓在藥仙山僖王墓在金傘

山

按明史本傳世
序無僖王敬王

王徽墓 在城北郭

孝子王履墓 在城北十里店卽廬墓生芝處

郝綰墓 河內志失載墓所據何文定所撰墓誌當

在義溝村

何塘墓 在城南郭

劉涇墓 河內志失載墓所

王所用墓 河內志失載墓所

趙烈女墓 在城北郭

婁樞墓 在城北二十里

國朝孝子蕭永嗣墓 河內志失載喬騰鳳表其墓

濟源縣

周芮伯墓 在芮村

聶政墓 在縣南 城里一名刺客墓禹州西門外

亦有之

漢綺里季墓 在綺里村

張禹墓 在縣西門外

按水經注云在平陵
今溟水北亦有禹墓

鄧禹墓 在縣東南溟水岸

按通志又載入
太康南召二縣

九塚 在縣南東俗傳漢光武收河北時大將葬
此

郅憚墓 在天漿村西南

按通志載入汝
寧府西平縣

巨無霸墓 在綺里村東北

按通志載
入太康縣

唐屈突通墓 在縣北勳掌谷東麓或云在今屈塚
村南通爲西濟州都督因葬焉

按通本傳都督洛州然顯慶三年濟源曾改
屬洛不爲無據但不應訛洛州爲濟州耳

玉真公主墓 在玉陽萬壽宮西

徐有功墓 在縣東青龍里

按有功本傳生平未嘗
至懷不知舊志何據

裴休墓 在縣東北裴村西

令狐楚墓 在縣西北劉紹谷

溫信墓 在左家山

按通志府志俱作信子造墓縣志從墓表改在然
唐書本傳造先世并州祁人父信遷於魏造雖先
隱王屋後鎮河陽而未著
墓所墓表失傳亦難徵信

盧仝墓 在縣北十三里武山頭

李愿墓 在盤谷山

裴通墓 在裴城北溴河南

按唐書宰相世系表有四裴通未知孰是且裴氏著籍河東未知其何緣葬此

五代清泰帝陵 在縣東水運里卽後唐潞王墓

宋傅寶臣墓 縣志失載墓所

傅堯俞墓 在龍潭峪西北

賀蘭棲真墓 在奉仙觀東

許侍郎墓 在縣西北沉溝有石獸存焉

雷都督墓 在鍾公村南

按縣志載許雷二墓不詳宋金元未知何據

元完顏尚書墓 在訓掌西南山下無考

明于少保墓 在禮莊有碑記

董御史塋 無考

史國公墓 在花石村年代無攷

按上四墓載縣志不詳
其名志中亦並無墓碑

閻士選墓 縣志失載墓所

國朝沈廷芳表其墓

李典史墓 在東門外明末殉難李應選也

國朝順治二年之碑事載名宦

修武縣

殷商塚 在縣東三里山麓百餘餘縣志云武王伐

商其子孫有來歸而

漢獻帝神陵 在縣西北城

魏封帝為山陽公後葬此人呼為漢漢今以名
付雙左又有上下二大塚疑葬者然無可考矣

乾曆五十年河北總鎮
王公普於陵前建碑

范式墓 在山陽城必

按縣雜識云舊志人物有范式蓋誤山陽郡為此
地耳後漢書式山陽金鄉人地理志山陽郡在洛
陽東八百里十里有金鄉今屬
兗州廣輿記范式墓在嘉祥縣

晉習鑿齒墓 在縣西南太平鄉

按縣雜識云晉書習鑿齒襄陽人為滎陽太守以
脚疾廢於里巷及襄陽陷於苻堅堅素聞其名輿
致之旋以疾歸襄陽朝廷欲徵典國史會卒不果
墓不應在修武又輿圖備考記其墓在分宜縣云

避符堅寓此卒
史無避堅事

唐衛審符墓 在孔莊有碑

宋蘇立墓 在魏村東有碑

夏曼子六
卷四
真也
陵墓
三

許惠和公墓 在田間村公諱通文正公父也

按墓碑現在舊志失載事
見文正公有感詩詳藝文

元李天祐墓 在義門村

逢魯曾墓 在承恩鎮北有碑

薛澍墓 在郇封村南有碑

明崔謙墓 在城村有碑今亡

崔讓墓 在城村

劉幹墓 在城村

王鐸墓 在城村子愈懋璠俱葬此有碑

馬澗墓 縣志失載墓所見孝義

韓俊墓 韓儼墓 俱在苟村

張圮墓 在東村

趙銳墓 在縣西北隅有碑

閻裕墓 在孟村

崔鏞墓 在田門村

王琳墓 在鳳凰山後

周璿墓 在平陵村

姜鄰墓 在縣西南隅有碑

王玉鉉墓 在王楮村西北有碑

郭檄墓 在周流村

張三就墓 在縣西待王鎮

范繼仁墓 在縣西南一里有碑

國朝成觀光墓 在縣東南紙坊村

范正脉墓 在繼仁墓側有碑

趙旭墓 在鏡墓側有碑

武陟縣

商成湯陵 在縣東三十五里于秋鄉商村

按湯陵在山西蒲州榮河縣北四十里載在國朝祀典皇覽云湯塚在濟陰今亳州是也括地志云薄城北郭東三里有湯塚今河南府偃師縣又載湯陵武陟縣又有之未知何據姑存以俟考

漢蒯徹墓 在縣東北十八里蒯村舊有碑銘今亡

魏許褚墓 在縣東北四里中許村

晉山濤墓 在縣西二十里小虹橋村二子簡遐墓

亦在焉明宏治七年建廟祀之

隋宋通墓 在縣西北富樂上鄉

楊守素墓 在縣東水寨村

唐杜僑墓 在沁水濱

按縣志誤載於漢隱逸志亦誤爲漢懷州刺史不知漢無懷州刺史官名也

元孝子劉全墓 在縣南唐郭村

孝子蕭翊墓 至元中郝采麟撰碑

蕭讓墓 在縣西南大封村

按金石考郝撰孝子蕭翊碑縣志贈司徒謚忠肅蕭讓墓今觀郝碑額及文乃蕭珍也當增蕭珍墓

佛保墓 在縣東北中許村

牛天瑞墓 在縣東十五里牛文莊

胡節婦墓 在縣西富樂鄉

明李綜墓 在縣西南南古村

李端澄墓 在縣西四十里王順村

荆應春墓 在縣東南十五里新莊

溫縣

連球塚 在縣城外西北里許兩塚相對中跨長橋

故名前塚上有文昌祠後塚上有孫真人祠

五塚 在縣西八里

三塚 在縣東三里

九塚 在縣東八里

雲團塚 在連珠塚右一名磨盤塚

按以上各塚俱失考

周虢公塚 在舊溫城東郭溟水之南

按晉獻公滅虢虢公醜奔於此卒而葬焉水經
濟水經虢公塚北皇覽曰溫縣郭東濟水南大
是也今水道可證

趙盾墓 在縣西五里方陵村

按通志載
入濬縣

鉏麇墓 在縣西四里岳村

韓厥墓 在縣西方陵村

晉三陵 在縣西三十里相傳爲晉武帝之祖陵

北周司馬裔墓

按舊志載裔墓攷庚信神道碑裔葬
武功三時原在今陝省與溫無涉

宋郭熙墓 在縣西方陵村

元只見華臺墓 在縣西五里院北

關關墓 在梁國公墓左

按張翥撰墓表關關諡康定而通志載爲兩人關康定墓在孟縣西岳村關關墓在溫縣西岳村子縣志有康定溫縣志有關關相沿訛謬矣墓表見金石

明沃野墓 在縣南門外南壇側

朱裳墓 在縣東平阜

張斗墓 在縣東門外見忠節

國朝范印心墓 在縣西北隅

吳國用墓 在縣東北隅東南王村

周大律墓 在縣東南張羌

吳渤墓 在縣東北隅東南王村

孟縣

漢銚期墓 在縣北十五里銚村

元魏廢太子恂墓 在縣北七里太子村

封隆之墓 在蘇家莊前嶺

唐張建封墓 在太平鄉之魏村祖塋有鄭士林撰

誌銘

按通志載入
河南府城東

李元淳墓 在太平鄉之高端岡潘孟陽撰銘

韓愈祖塋 在尹村嶺後卽今蘇家莊自始祖魏安

定桓王茂以下及父仲卿叔雲卿伯兄會嫫鄭俱祔

葬於此

韓愈墓 在縣西十五里韓家莊

韓景墓 在縣西北二十里尹邨祖塋自爲銘見金石

韓湘墓 在縣東謫星廟下

皇甫權墓 在縣西韓村

李樂墓 在舊河陽

按韓愈有息園夫人墓銘云靈州節度使御史大夫李樂妻何氏封息園夫人葬河陽

高思繼墓 在河陽之南莊鎮

按行周傳父思繼爲幽州守劉仁恭軍中指揮使時則唐昭宗乾寧元年繼而晉王克用盡誅思繼兄弟則思繼殞於幽矣迨行周從後唐明宗陞鎮彰武昭義及石晉高祖時始爲西京留守維時降已入契丹何以行周能遷葬其父於孟卯

宋馮拯墓 在縣西三里曹家坡後子行已仲已同

墓此

按河陽古墓近年經土人耕地掘井開出者北齊司馬景和妻孟氏司馬元興司馬昇唐方與令獨孤仁政解府君進尹府君夫人朱氏及宋金高平縣君等四墓各有志石皆舊志沈志所未載者附記於此
詳見金石志

元遜士苟士忠墓 郝經撰墓銘

郝經墓 在縣西二里

吳恭祖墓 在縣北十五里吳家砦

甯玉墓 在縣西十里金山寺後

張光祖墓 在縣東上段渠村

明馮冕墓 在縣西五里曹家坡

蓋霖墓 在縣東南口子村

楊源墓 在河陽驛東明劉以寧有楊公祠記見藝

文

劉思問墓 在縣西北十里田張村

李英墓 在縣西八里紫金山

國朝薛所蘊墓 在縣東北梁村岡子奮生同墓於此

原武縣

漢栢林塚 在縣東北七里

按卽條侯周亞夫先塋明知縣張祥置地十畝四傍立石柱封識之見藝文

唐婁師德墓 在縣北七里許小宋村北

索那恕墓 在縣北磁欄堤東

張谷墓 在德政鄉張固村歐陽修撰墓表

元陳端墓 在縣東南五里許見金石

明凌漢墓 在縣北閻石口

閻邨墓 在縣西關五龍廟西

孝子尹崇憲墓 原武志失載墓所

陽武縣

三陵塚 在縣東南二十里不知何時人塚鼎足相

峙巍然如山有胡曾諸人題詠

漢陳平墓 在縣東三十里庫上里今沒於河

按通志永城縣洛陽縣皆有平墓

張蒼墓 在縣東北四里任家谷明知縣趙應垣立

石禁樵牧

唐韋思謙墓 在縣北三里爲黃河湔沒成樵牧之
場康熙二十七年知縣安如泰封其墓立碑禁之